



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KTK 0034377 25 2

Travnik, 12.01.2026.godine

OPĆINSKOM SUDU U TRAVNIKU

- Sudiji za prethodno saslušanje -

Na osnovu odredbe člana 45. stav 2. tačka „i“ člana 241. stav 1. Zakona o krivičnom postupku Federacije Bosne i Hercegovine, p o d i ž e m

OPTUŽNICU

Potvrđena dana 19.01.2026. godine

Protiv:

H. G.

Zbog postojanja osnova sumnje da je:

Dana 01.10.2018.godine u sjedištu notarijata G.H., općina Travnik, postupao u svojstvu službene osobe notara u smislu odredbe člana 2. stav 3. KZ F BiH, svjesnim postupanjem prilikom obavljanja svojih službenih dužnosti propisanih zakonskim i blanketnim propisima prekršio navedene propise i htijući to, što je prouzrokovalo posljedicu za društvo Elektro Grupa dd Gornji Vakuf-Uskoplje u vidu imovinske štete koja prelazi 10.000,00 KM, na način da je notarski obradio Aneks I Ugovora iako mu prije obrade Aneksa ugovora direktor tog društva I. Z. nije prezentirao pismenu saglasnost Nadzornog odbora Elektro Grupe dd, a znajući za ograničenja propisana za direktora I.Z. upisana u registru Općinskog suda u Travniku, Rješenje, u članu 2. Odluke o imenovanju I.Z. za direktora

društva od 09.09.2015.godine i članu 2. Ugovora o pravima i obavezama direktora Elektro Grupe dd od 09.09.2015.godine, kojim ograničenjima je propisano da I.Z. bez saglasnosti Nadzornog odbora društva Elektro Grupe dd ne može zaključivati ugovore i poslove u vrijednosti preko 20.000,00 KM, a što je propisano i članom 106. stav 1. tačka 8) Statuta društva Elektro Grupe dd u koja akta je prije obrade Aneksa I Ugovora izvršio uvid, svjestan da kao službena osoba kojoj su povjerena javna ovlaštenja notarski obrađuje Aneks I Ugovora bez saglasnosti Nadzornog odbora društva Elektro Grupe dd, što je i htio, na koji način je postupio protivno članu 80. Zakona o notarima (Službene novine F BiH broj: 45/02) kojim je propisano da je notar dužan provjeriti da li su stranke ovlaštene za poduzimanje i zaključivanje pravnog posla, iako je bio upoznat i znao da je dana 22.03.2012.godine on notarski obradio Ugovor o međusobnim pravima i obavezama zaključen između istih ugovornih stranaka pravnih lica Elektro Grupa dd i Paloč d.o.o. Gornji Vakuf-Uskoplje, pa je na zahtjev I. Z. notarski obradio Aneks I tog ugovora kojim je u članu 7. propisano da ukoliko u roku od 90 dana po okončanju emisije dionica emitenta Elektro Grupa dd se pravno lice Paloč d.o.o. Gornji Vakuf-Uskoplje ne upiše u Registar vrijednosnih papira kao vlasnik 33% dionica za vrijednost izgrađene Mini hidroelektrane (MHE) Voljevac na rijeci Vrbas, a čiji investitor je bila Elektro Grupa dd, a izvođač radova firma Paloč d.o.o. Gornji Vakuf-Uskoplje, da sačinjavanjem Aneksa I Ugovora se propisuje da će pravno lice Elektro Grupa dd na poziv Paloča d.o.o. Gornji Vakuf-Uskoplje potpisati svaki akt potreban za upis 33% vlasništva na MHE Voljevac u korist Paloča d.o.o. Gornji Vakuf-Uskoplje, pa ako nadležni sud i katastar ne prihvate taj ugovor kao osnov upisa suvlasništva od 33% u korist Paloč d.o.o. na MHE Voljevac na rijeci Vrbas, i kako ta obaveza nakon izgradnje MHE Voljevac od strane ugovorne strane Elektro Grupa dd nije ispunjena, notarski je obradio Aneks I Ugovora u kojem u članu 4. je propisana vrijednost imovine MHE Voljevac u iznosu od 2.533.552,47 KM, a zatim je nakon notarske obrade Aneksa I Ugovora bez znanja i saglasnosti Nadzornog odbora Elektro Grupe dd notarski obradio Službenu zabilješku u kojoj je navedeno da je Elektro Grupa dd saglasna da kao upisani vlasnik 1/1 MHE Voljevac potpisom Aneksa I Ugovora da se bez daljeg pitanja Elektro Grupe dd odobrava da se Paloč d.o.o. o svom trošku upiše kao vlasnik 1/3 vrijednosti MHE Voljevac i upiše predbilježba, sticaj i pravo suvlasništva na MHE Voljevac, svjestan da notarskom obradom te službene zabilješke daje saglasnost pravnog lica Elektro Grupa dd da bez daljeg njenog pitanja se odobrava da se Paloč d.o.o. upiše kao vlasnik 1/3 vrijednosti MHE Voljevac, iako društvo Elektro Grupa dd nije znalo i dalo saglasnost da notarski obradi službenu zabilješku, što je i htio, koju notarski obrađenu službenu zabilježbu je dostavio u Općinski sud u Bugojno koji je na osnovu te notarske obrađene zabilježbe na parceli označenoj kao k.č. br. 1590 upisana u ZK ul. 1228 K.O. Privor na kojoj je izgrađena MHE Voljevac udio od 1/3 vlasništva dana 05.12.2008.godine upisano na pravno lice Paloč d.o.o. Gornji Vakuf-Uskoplje, a što je proizvelo posljedicu u vidu imovinske štete za društvo Elektro Grupa dd u iznosu 1/3 vrijednosti MHE od 2.533.552,47 KM.

Dakle, kao službena osoba u svojstvu notara povredom zakona očito nesavjesno postupio u vršenju dužnosti pa je zbog toga kod drugog nastupila imovinska šteta koja prelazi 10.000,00 KM.

Čime je počinio krivično djelo Nesavjestan rad u službi iz člana 387. stav 2. u vezi sa stavom 1. KZ F BiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom